



Na osnovu člana 3. stav (1) Zakona o službi u OS BiH („Službeni glasnik BiH“, broj: 88/05, 53/07, 59/09, 74/10 i 42/12), a u skladu sa odredbama 16., 17., 18. Pravilnika o školovanju i usavršavanju u MO i OS BiH broj: 13-02-3-1550-41/18 od 26.04.2019.godine, a u cilju odabira kandidata/kinja za školovanje na vojnim akademijama u inostranstvu, Ministarstvo odbrane Bosne i Hercegovine raspisuje,

**JAVNI KONKURS**  
**za školovanje kadeta na vojnim akademijama Oružanih snaga Republike Grčke,**  
**za školsku 2024/2025. godinu**

**I – PREDMET KONKURSA**

Ministarstvo odbrane Bosne i Hercegovine raspisuje javni konkurs za školovanje 6 (šest) kadeta na Vojnim akademijama Oružanih snaga Republike Grčke, za školsku 2024/2025. godinu po sljedećem:

1. Vojna akademija kopnene vojske ( $\Sigma\Sigma E$ ) – 2 kadeta,
2. Vazduhoplovna vojna akademija ( $\Sigma I$ ) – 1 kadet,
3. Vojna akademija za oficire službi ( $\Sigma\Sigma A\Sigma$ ) – 2 kadeta (1 smjer medicina i 1 smjer ekonomija),
4. Vojna akademija za oficire sanitetske službe – 1 kadet.

**II – USLOVI KONKURSA**

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH", broj: 88/05, 53/07, 59/09, 74/10, 42/12, 41/16 i 38/18):
  - a) da je državljanin/ka Bosne i Hercegovine,
  - b) da je zdravstveno sposoban/na za službu u Oružanim snagama te da je propisno vakcinisan/a i da nije nosilac zaraznih bolesti,
  - c) da nije osuđivan/a na безусловnu kaznu zatvora u trajanju dužem od šest mjeseci,
  - d) da nije prethodno otpušten/a iz državne službe, pravnog lica ili vojske zbog discipline ili povrede službene dužnosti u posljednje tri godine,
  - e) da se protiv njega/nje ne vodi krivični postupak za krivično djelo za koje se goni po službenoj dužnosti,
  - f) da mu/joj pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
  - g) da ima odgovarajuću stručnu spremu potrebnu za obavljanje određene dužnosti (uslov koji će biti ispunjen po završetku vojne akademije).
2. **Posebni uslovi:**
  - a) završena srednja škola IV stepen (gimnazija ili neka druga četverogodišnja škola na osnovu koje se stiče pravo upisa na ustanove visokog obrazovanja),
  - b) da je tokom školovanja imao/la ukupan uspjeh najmanje dobar,
  - c) poznavanje engleskog jezika (test ALCPT – minimalno 60 bodova),

- d) da nije mlađi/a od 18 i stariji/a od 21 godine za Vojnu akademiju Kopnene Vojske, Vazduhoplovnu vojnu akademiju, Vojnu akademiju za oficire službi – smjer ekonomija i Vojnu akademiju za oficire sanitetske službe, odnosno stariji/a od 20 godina za Vojnu akademiju za oficire službe – smjer medicina, na dan 01.10.2024. godine,
- e) poznavanje rada na računaru (Word, Excel, Power Point, Internet),
- f) da je imao/la predmet matematika najmanje dvije godine u toku srednjeg obrazovanja,
- g) da kandidati nisu oženjeni/udati ili razvedeni, da nisu u drugom stanju i da nemaju zakonsku obavezu izdržavanja djece.
- h) fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi, trčanje na 3200 m.
- i) Kandidati/kinje za Vazduhoplovnu vojnu akademiju - smjer pilot ne smiju imati visinu veću od 1,90 m i visinu trupa veću od 1 m. Vid i sluh kandidata moraju biti odlični.

#### **NAPOMENE:**

1. Kandidati/kinje prijavljeni na Javni konkurs biće testirani iz: psiho test, test općeg znanja, test iz poznavanja engleskog jezika, test fizičke spremnosti i intervju.
2. Rangiranja kandidata/kinja će se vršiti na osnovu kriterija odobrenih od strane Ministra odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere. Posebno će biti izvršeno bodovanje općeg uspjeha i bodovanje prosjeka ocjena iz matematike. Kandidati sa boljim općim i uspjehom iz matematike će imati prednost prilikom izbora.
3. Eliminacioni uslovi za prijem na vojne akademije su uspješno položeni: psiho test, test fizičke spremnosti, test engleskog jezika i ljekarski pregled. U slučaju istog broja bodova po provedenom postupku izbora kandidata, prednost ima kandidat spola koji je manje zastupljen u OS BiH.
4. Sigurnosnu provjeru za svakog uspješnog kandidata/kinje će izvršiti nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje će obaviti nadležna ustanova u organizaciji Ministarstva odbrane Bosne i Hercegovine.

### **III – ŠKOLOVANJE, PRAVA I OBAVEZE**

1. Školovanje kadeta na vojnim akademijama Oružanih snaga Republike Grčke traje 5 (pet) godina, odnosno 6 (šest) godina na vojnoj akademiji za oficire u službama – smjer medicina. Na prvoj godini kadeti će najviše vremena posvetiti usavršavanju grčkog i engleskog jezika.
2. Odabrani kandidati/kinje će imati status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12 i 41/16) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).
3. Po završetku školovanja, kadeti će biti primljeni u profesionalnu vojnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe, a nakon toga, po potrebi, nastavljaju specijalističko usavršavanje na vojnim akademijama Oružanih snaga Republike Grčke u trajanju do 1 (jedne) godine i sticanje vojno-evidencijske specijalnosti (VES).
4. Međusobne obaveze kandidata/kinje izabranog/ne za školovanje na vojnim akademijama Oružanih snaga Republike Grčke i Ministarstva obrane Bosne i Hercegovine regulišu se Ugovorom o školovanju.

5. Za vrijeme školovanja kadetima su osigurani smještaj i ishrana u internatu Vojne akademije.
6. Za vrijeme školovanja kadetima su osigurani troškovi školarine u skladu sa članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).

#### **IV POTREBNI DOKUMENTI**

- a) Prijava i lični (biografski) podaci (isključivo po obrascima ponuđenim na [www.mod.gov.ba](http://www.mod.gov.ba)). Ukoliko kandidat/kinja konkuriše na više vojnih akademija i smjerova, u prijavnom obrascu obavezno navesti redoslijed vojnih akademija i smjerova na koje aplicira, po vlastitom prioritetu.
- b) Ovjerene kopije svjedocanstava svih razreda srednje škole,
- c) Ovjerena kopija diplome četverogodišnje srednje škole,
- d) Original ili ovjerena kopija Uvjerenja o državljanstvu, ne starije od šest mjeseci od dana izdavanja, (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- e) Original ili ovjerena kopija Izvoda iz matične knjige rođenih trajnog karaktera, s tim da ovjerena kopija ne može biti starija od 6 (šest) mjeseci,
- f) Original ili ovjerena kopija Uvjerenja da se ne vodi krivični postupak, niti da je potvrđena optužnica, ne starije od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- g) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti, ovjerena kod nadležnog općinskog organa (isključivo po obrascu ponuđenom na [www.mod.gov.ba](http://www.mod.gov.ba)),
- h) Original ili ovjerena kopija dokaza o prebivalištu (CIPS), izdat od strane nadležnog organa, ne stariji od tri mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- i) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- j) Saglasnost za obradu biografskih podataka/informacija za potrebe procesa konkurisanja na vojne akademije (isključivo po obrascu ponuđenom na [www.mod.gov.ba](http://www.mod.gov.ba)).

**Napomena:** Kandidatima koji ne budu izabrani u procesu izbora omogućava se preuzimanje ličnih dokumenata koji su dostavljeni u procesu prijema u roku od 30 dana od donošenja konačne odluke ministra odbrane BiH o izboru kandidata.

#### **V ODABIR KANDIDATA**

**Odabir kandidata će izvršiti Komisija koju će formirati ministar odbrane Bosne i Hercegovine.**

Testiranju kandidata mogu prisustvovati ovlaštena lica države prijema po njihovom zahtjevu.

## **VI PRIJAVA NA JAVNI KONKURS**

Sve tražene dokumente treba dostaviti preporučeno putem poštanske službe na adresu:

**Ministarstvo odbrane Bosne i Hercegovine**

**Ul. Hamdije Kreševljakovića 98**

**71 000 Sarajevo**

**Sa naznakom „Javni konkurs za školovanje kadeta u Republici Grčkoj“**

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Neblagovremene i prijave kandidata koje nisu dostavljene preporučenom poštom neće se uzeti u razmatranje.

Ukoliko u prijavi i dokumentaciji postoje formalni nedostaci (nepotpuna i neuredna prijava i dokumentacija) lice se poziva da u roku od pet dana ispravi navedene formalne nedostatke i dostavi potrebnu dokumentaciju, u skladu sa Zakonom o upravnom postupku BiH.

Broj: 10-33-2-2550-37/23  
Sarajevo, 13.06.2024. godine

**MINISTAR**

**Zukan Helez**